

**TPM: M'sia tak kan ke mana tanpa peniaga Cina**

**Malaysiakini.com**

**November 3, 2011**

**by Aidila Razak**

Timbalan Perdana Menteri Tan Sri Muhyiddin Yassin hari ini memuji masyarakat perniagaan Cina yang menjadi penyumbang penting kepada pertumbuhan Malaysia.

"Untuk sekian lama, ahli perniagaan Cina tempatan kita telah menjadi pelabur domestik utama dan tidak salah bagi saya katakan bahawa tanpa mereka, Malaysia tidak akan berada di tempat di mana ia berada hari ini," katanya disambut dengan tepukan gemuruh.

Bercakap pada Forum Ekonomi Dunia Ketiga Cina di Serdang, Muhyiddin menggesa masyarakat itu menjalinkan kerjasama dengan masyarakat bumiputera untuk masa depan negara.

Katanya, masyarakat Cina juga harus menyokong syarikat-syarikat berkaitan kerajaan (GLC) yang sejak lebih 10 tahun kebelakangan ini membuat lebih banyak pelaburan dalam negeri.

"Saya gesa masyarakat peniaga Cina Malaysia untuk terus menjadi rakan kongsi kami dalam membangunkan negara, laburlah negara dan bergabung tenaga dengan kedua-dua ahli perniagaan bumiputera dan GLC," katanya.